

MODUL MEMORIJE

Film "Muškarci ne plaču" i izložba fotografija "Freedom" 8. maja u Konjicu

Klix.ba
7.5.2018. u 16:023 komentara
8 dijeljenja

Modul memorije

Muškarci ne plaču



Foto: Arhiv/Klix.ba

U utorak, 8. maja u Centru za kulturu Konjic, sa početkom u 19 sati, u okviru ovogodišnjeg Modula Memorije, bit će prikazan višestruko nagrađivani film "Muškarci ne plaču", reditelja Alena Drljevića. Nakon toga će, s početkom u 20.30 sati, biti otvorena izložba "FreeDom".

Film "Muškarci ne plaču" bavi se posljedicama rata koji se 90-ih godina dogodio u Bosni i Hercegovini.

"Oružani sukobi koji su se desili devedesetih godina nisu samo uništili zemlje bivše Jugoslavije, već su ostavili i najdublje rane u sjećanjima svake od nacija koje su učestvovala u sukobima. Postoje različite interpretacije turobne prošlosti zemalja koje su bile zahvaćene tim sukobima. Stoga je teško očekivati potpuni sklad na terapijskom okupljanju veterana sve tri zaraćene strane, okupljenih u planinskom hotelu na nekoliko dana, dvadeset godina nakon završetka rata. Naprotiv, takva opasno nestabilna situacija može eskalirati jednom nepromišljenom riječju ili naizgled prijekornim pogledom. Međutim, oni počinju uviđati da su iz rata svi izašli kao gubitnici, te da je među njima mnogo više sličnosti nego razlika koje ih razdvaja", rekao je reditelj filma, Alen Drljević.

Glavne uloge u ovom filmu ostvaruju: Boris Isaković, Leon Lučev, Emir Hadžihafizbegović, Sebastian Cavazza, Ermin Bravo, Boris Ler, Ivo Gregurević, Primož Petkovšek, Jasna Đuričić i Izudin Bajrović.



Izložba "FreeDoom" je projekt udruženja Kontakt inspirisan izbjegličkom krizom u svijetu, a realizovan u saradnji sa Modulom Memorije uz podršku Fonda Otvoreno Društvo.

Prema procjenama, dva miliona Bosanaca i Hercegovaca je bilo prisiljeno da napusti svoje domove u periodu rata od 1992. do 1995. godine što je, gotovo polovina stanovništva naše zemlje. Izbjeglance iz BiH su preplavile susjedne zemlje i u većini slučajeva, dočekane su prijateljski od strane potpunih neznanaca. Od tada pa do danas, stav Evropljana prema ljudima koji bježe od nesreća, ratova i političkih progona se drastično promijenio. Izbjeglance u ovom vremenu predstavljaju teret i prijatnju onima koji nikada nisu bili u situacijama koje bi ih natjerale da shvate zašto ljudi bivaju prisiljeni bježati iz svojih domova. Možda druge, sretnije zemlje, imaju luksuz da se ne suosjećaju sa izbjegličkom nesrećom, ali građanke i građani BiH nemaju. Niko nema pravo govoriti o izbjeglicama samo u brojkama. Upravo ove činjenice su bile povod za realizaciju izložbe „FreeDoom“, čiji je cilj da podsjetimo sebe i druge na teškoće miliona raseljenih ljudi širom svijeta, a na kojoj će svoje fotografije postaviti devet fotografa i fotografkinja, koji su većinu svog profesionalnog života posvetili dokumentovanju upravo patnje izbjeglica širom svijeta.

Fotografi/kinje su: Ron Haviv, Morten Hvaal, Alessio Paduano, Natalia Jidovanu, Darko Bandić, Amel Emrić, Velija Hasanbegović, Ziyah Gafić i David Verberck.

ABC Prijavi grešku

Vezani članci



Modul Memorije: U Potočarima višesatni umjetnički program "Sjećanje za 8372"



Kako izgleda knjiga "Teatar pod opsadom", nastala prema istoimenoj izložbi



Online program 25. Modula Memorije zatvara promocija knjige "Teatar pod opsadom"

Najnovije Najčitanije Preporuke

ZBOG ČEGA TIŠINA?

Ugašen dokumentarni program BH Radija 1: Sumnja se da je razlog emitovanje priloga o Srebrenici

30m

1 42

TEŠKE OPTUŽBE

Svjedočenja o Aleksiću: Njegova pravila su bila stroga, propitivao nas je da li imamo seks

3h 18m

25 91

"VESELA CRNA KOMEDIJA"

Danas i sutra u zeničkom BNP-u predstava "Sakati Billy sa Inišmana"

3h 25m

20 2

PREDSTAVA U SARAJEVU

"Nigdje nikog nemam" ponovo na sceni SARTR-a, radnja postavljena u postapokaliptično društvo

3h 26m

1 4

IMAO JE 81 GODINU

Poznati muzički producent Phil Spector preminuo u zatvoru

5h 41m

0 13

Forum

Star Trek	2K
Gledali ste film, preporučite ga drugima	52K
Gledate seriju - preporučite je	23K
Marvel Cinematic Universe	1K
Sta trenutno slusate IV	63K
Dokumentarni filmovi - Preporuke?!	1K
Koji ste film DANAS pregledali ?	4K